



UNIVERSITÄTS-
BIBLIOTHEK
PADERBORN

Universitätsbibliothek Paderborn

Hierakosophion

Demetrius <Pepagomenus>

Lvtetiae, 1612

Ivii. Ad neruos laesos.

urn:nbn:de:hbz:466:1-12846

Ad debilitationem & langorem accipitris.

ACCIPITRI debilitato & languenti auxiliatur hoc medicamentum, quod habet croci, rosarū aridarum, singulorum semunciā ex sanguine leporino feruente: conterito illud, accipitri præbeto ex carne suilla frigida, & ad sanitatem perduces. Vel croci scrupulum, vinum vetus, in vnum contundito: potanda præbeto accipitri, eiusque cibatus hircinam carnem dato, & conualefcet.

Ad nervos laesos.

ACCIPITREM ex nervis laborare cognosces, cum ad aucupandum emissus aucupari recusat, & aspectū auertit ab ipsa præda. hoc fit, vel cum arbori implicatus fuit, vel ad saxū genua offendit, vel armos læsit. Huic succurrit hoc remedium, quod recipit axungia bubulæ, ceruinæ medullæ, ceræ, singulorum semunciam: in ollam novam hæc indito: cochlearum, olei Aphirici fescunciā adijcito, atque omnia cum spongia & vino contundito: genua & calcanea inungito, & sanitatē recipiet. Aliqui axungiam suillam, tum axungiam pulli columbini, succum maluæ & betæ in ollam adijciunt, contundunt, genua, calcanea per

spongiam perlinunt. Nonnulli axungiam gallinæ, oleum rosaceū, serum, mastichen pari pondere in ollam nouam conijciunt, coquunt, locum afflictum perungunt, & pristinam valetudinem restitunt.

Ad vitreaginem oculorum.

ACCIPITRIS vitreagine laborare oculos, signa sunt tubercula ad oculos & nares velut paruulæ auellanulæ exorta. remedium hoc adhibeto. Lignū cupressinum acuito, idque ignitum ter in eius nares inserto, vbi vitreaginem videas, locum exprimito, & mellis exiguum inspergito.

Ad accipitris frigus.

SI accipiter frigore rigeat, ita ipsum curabis. Piperis, pediculariæ, singulorum granis tribus in vnum contritis illius palatum illinito, ad solem exponito accipitrē, deinde ipsum pascito, & perueniet ad sanitatem. Vel sumito succum cynoschefti, piperis, pollinem, apij semen, mellis mediam partem, hisque simul commistis carnem conspersam accipitri præbeto, & interiora omnia expurgabit. Vel allium simul cum pipere dabis illius cibatus, & rigor discutietur. Vel semen raphani, rutā syluestrem, piper, cuminum, mista contundito, cibatus